



Inatsisartunut ilaasortaq Jens NapātōK', Naleraq
inatsisartut@inatsisartut.gl

**ATV-nik ingerlatsisinnaanermut uppersartaatit pillugit § 37 naapertorlugu
apeqquteqaammut 2025-148-mut akissut**

Dato: 15-09-2025
Sagsnr.: 2025 - 17846
ID. nr.: 99406120

Asasara Jens NapātōK'

Inatsisartut suleriaasianni § 37 naapertorlugu ATV-nik il. II. Ingerlatsisinnaanermut
uppersartaatit pillugit Naalakkersuisunut apeqquteqaateqarputit. Apeqqutit uannit
akineqartussatut innersuunneqarpoq. Apeqqutit matuma kinguliani allanneqarpoq,
akissummillu malitseqarluni

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl


**Apeqqut 1) Qaqugu Naalakkersuisut naatsorsuutigaat ATV-nut, UTV-nut,
traktorinut sulinermilu motoriusumik sukkangitsumik ingerlasartunik angallatillu
30 km-it ataallugit ingerlasartunut, inoqarfinni isorliunerusunilu
aqutsisinnaanermut piumasaqaatit allannguutissanik saqqummiussinissartik –
aamma qanoq qulakkeerneqassava allannguiq immikkut inoqarfinni
isorliunerusunilu sulisussanik soorlu eqqagassat ingerlanneqarneranni
imaluunniit assartuinermit ajornartorsiutaasunik eqqarsaatiginnilluni
aaqqiisoqarnissaanik?**

Akissut: § 37 naapertorlugu apeqquteqaammut 2025-117-imut akissuteqaammi
taaneqartutut, Assartuussinermut Ministereqarfiup Kalaallit Nunaanni Angallannermut
Inatsimmut allannguutissatut inatsimmut missingiummik, qulequttamut tunngasumik,
2026-mi upernaakkut ataatsimiinnermi saqqummiunneqartussamik nassiussinissani
naatsorsuutigaa.

§ 37 naapertorlugu apeqquteqaammut 2025-117-imut akissuteqaammi
oqaatigineqartutut, inatsisip allanngortinneqarnerani illoqarfiit arfiniliusut avataanni
ingerlatsinissamut uppersartaateqarnissaq piumasaqaataajunnaassaaq. Taamaalluni
anartarfilerinermit, eqqagassalerinermit assartuussinermillu aquttussarsiortarneq
nunaqarfinni isorliunerusunilu qamutiniq assakaasulinnik ingerlatsinissamut
uppersartaateqarnissamik piumasaqaateqarnermit akornusersorneqarunnaassaaq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga


Aqquaq B. Egede